



Arubaanse Courant

Anja 26.

DIALUNA 4 JANUARI 1965

No. 5223.

Trafico di Aruba ta ki bra dos record na Record pa total di danjo y accidente 1964

ORANJESTAD, 4 jan. - Trafico na Aruba tabatin na anja 1964 diestres morto cu el a exihi. E cantidad di accidentenan di trafico cual a worde registra tabata 1.016. Fuera di e diez tres mortonan tabatin den esakinan sesenta y seis gravemente herida. y 185 levemente herida. E danjo total causa pa e accidentenan tabata Fl. 518.205. Di e 1.016 accidentenan ochenta y siete di nan tabatin nan chauffeurnan bao di influencia di alcohol.

Apesar di e diez tres mortonan cu trafico na Aruba a exihi e anja cu a pasa, esaki no tabata un record, pues na 1959 tabatin diezcuatro, mientras cu e anja di mas tristo

tabata 1957 cu diez ocho morto. Pero sin embargo trafico di Aruba tabatin algun recordnan deplorable atrobe. Esaki tabata recordnan di e cantidad di acciden-

tenan riba carreteranan y e daño material cu nan a causa. Pues e cantidad di accidentenan na 1964 no tabata menos cu 165 mas haltu cu e record di anja pasa. Na anja 1963 tabatin 715 accidente local ta compara cu e otro anjanan anterior ta hopi abao. Encuentro di e total di danjo material na 1964, esaki tabata no menos cu sesenta y siete mil mas cu e record bleuw di anja 1958 cu cuatro cien y cincuenta y un mil. E danjo material na 1963 tabata tres cien y noventa y ocho mil florin.

E ultimo accidente di trafico na anja 1964 a tuma lugar banda di un cuarto pa dos bispo di anja nobo, caminda den Fergusonstraat e auto A-8209 maneha pa J.A.C. a tuma un birada cu mucho velocidad door di cual el a sali for di e birada. Afortunadamente e auto no a bolter y e danjo material a keda abao na Fl. 525 florin.

E.E.G. Y PAISNAN DI EVA

Walter Hallstein, e president dje comision Europeo di E.E.G., den un conversacion cu un corant Danes a bisa di no ta spera, cu lo tin contacto entre E.E.G. y e asosacion Europeo pa comercio liber, como organisacionnan pero, eventual entre E.E.G. y algun dje paisnan dje organisacion Europeo menciona.


E asosacion di comercio liber, como territorio di comercio liber, no delibera tocante kestionnan di tolk y otro problemanan importante di trafico comercial, pasombra cada un dje shete paisnan asocia tin un propio tarifa di exterior, segun Hallstein.

Papa ta pleita pa paz

CIUDAD VATICANO, 4 jan. - Papa Pablo a bolbe haci un yamentu pa paz. El a bisa cu paz den diferente parti di mundu ta worde menasa diarlamemente y trece den peliger.


Papa e tene su discurso dilanti di un bentana for di su cuarto di estudio y a dirigie na peregrinistanan riba plaza San Pedro.

FATUM
Pa tur bo aseguronan
Tel. 1845.



Mescos cu anjanan anterior, na 1965 Arubaanse Courant ta na "Cabez" atrobe, pa sigui duna su informacionnan social, deportivo y di interes general local na su lectornan.

Nos ta desea pueblo di Aruba en general un anja 1965 di prosperidad bendicion di Dios.



Comerciante: "Mi ta spera cu 1965 lo bira un mihor aña pa Aruba cu 1964".

Diezseis hoben Arubano a sali pa Hulanda

ORANJESTAD, 4 jan - Diadomingo mainta ultimo diezseis hoben Arubano a sali cu bapor di K.N.S.M. pa Hulanda caminda nan lo bai traha den un di e fabrican di Van der Heem N.V. na Den Haag. E hobenan aki lo bai traha den e seccion electronico di e fabrica.

Nan ta Jan H. Calmus, Keith Campbell, L.V. Connor, J. Lejuez, Leslie Farro, Pedro Geerman, W. Gumbs, Freddy Luydens, Juan Marshall, Patrick de Palm, Pedro Pannefle, Carl Ponson, Arcangel Ignacia, Francisco Tode, Agrepero Vrolijk, George Willemberg.

Entretanto dia bintiseis ultimo tabata na Antillas señor Van der Ham hefe di departamento di asuntonan di personal di firma Van der Heem N.V. den compania di señor Verbaasdonk tambe di e mes un firma. E caballeronan aki ta esnan cu a bin prepara e ultimo requisitonan pa balda di e sesenta y dos Antillanonan, entre cual e diesseis Arubanonan pa Hulanda.

Segun ta worde spera pronto un binti Antillano mas lo sali pa Hulanda pa bai traha den e mes un fabrica aki, como bankwerkers, plaatwerkers y fijnbankwerkers alavez binti electro technische monteurs.

Cu e salida di e ultimo sesenta y dos Antillano pa Hulanda e total di Antillanonan cu a bai e pais menciona door di intermediacion di e departamento di asuntonan social di Antillas a bira 395.

Segun ta worde spera un inmigracion mas grandi di hoben obreronan Antillano lo bai tuma lugar e aña aki, unabez cu e resultado di e tres cien y nobenta y cinco Antillanonan cu ta traha na Hulanda ta conoci. Endudablemente si esakinan duna un bon resultado e fabrican cu te na e momento tabata "importa" nan trahadornan for di por ehemplo Spanja y Italia, lo bai muestra mas interes pa e obreronan Antillano, kendenan tin e ventaha di cu nan ta domina e idioma Hulandes.

ALM

KLM

Y

VIASA

TA ANUNCIA

cu en coneccion cu e cambio di ora local na Venezuela y Isla-nan Abao di Antillas Neerlandes, tur yegada y salida na Aruba, Bonaire, Caracas, Corsow y Maracaibo entrante dia 1 di Januari 1965 ta toema lugar 30 minuut mas laat cu local ta doena den e "timetable" di servicio di e companianan aki.

CUCHIU DOOR DI GARGANTA TA MATA ROSENDO CH. ORMAN

ORANJESTAD, 4 jan. - Mientras cu anja 1965 a cuminsa cu un hinkamentu fatal na Esso Heights, caminda e caballero J. Caines a bira victima, e anja aki no a cuminsa mucho mihor. Un pleitamento entre dos caballero na Socotero, a termina dia dos di januari atardi cu e morto di e soltero di

trinta anja, Rosendo Christophoro Orman. Tur dos e caballero nan tabata bao di influencia di alcohol na e momento.

E caballero W.S. de L'I, cu kende Orman a sinta henter dia, a hinke cu un cuchui di binti centimetro door di su garganta cortando su corocoro. Prome cu e victima yega hospital ya el a fallece. Senyor Orman tabata traha na La Esperanza y tabata biba den Canoastraat no 7. E drama aki a tuma lugar den cura di percela Balanderstraat 7.

Cuatro homber, entre cual e victima y e asesino desde mainta tempran dia dos tabata den compania di otro cu varios boternan di bebida celebrando asina e anja nobo.

Promer den Balanderstraat, despues den un di nan cas na Seroe Patrishi y despues atrobe den

Balanderstraat. Tur cos tabata den bon animo y nan tabata sigur cu nan a cuminsa anja 1965 di lo mehor. Atardi De L'I, di trinta y seis anja a bira malo door di e mucha alcohol cu el a bebe. Como cu e homber aki ta conoci di ta gusta busca pleito ora cu e ta dental situacion, dos di su amigunan a dicidi di laga tumba, despues di sin exito a trata di hiba de L'I, cu nan. Uno a bai su cas, mientras cu e otro a bai drumi den un auto para ey banda. E otro dosnan a bai den e percela Balanderstraat 7, caminda un pleito entre Orman y De L'I, a cuminsa. A sigi un luchamentu y un cuchui a worde saca. Un solo hinka, un homber ta kenter ta dal algun stap y ta cal bayando den sanger ariba suela den cura. Despues quietud di morto inespera y un sorpresa alavez spanto ariba cara di e surnameño, kende a laga e cuchui cai cu ela caba di mata su amigu, Rosendo Orman a muri ariba caminda pa hospital mientras De L'I, a worde carsela.



BOTICA ARUBA
Personal competente
+ Maquinaria moderna
+ Servicio excelente.
Jama No. 1080 - 1081
of 1180
y nos ta busca bo recept y entrega e remedi na bo cas.

BONITA.....BONITA..

*BISTI DI ANOCHI
*BISTI DI DIA
*SLACKS



LA LINDA

Promer baby 1965 den hospital:

Reginaldo Richardson

ORANJESTAD, 4 Januari. - E promer baby cu a nace na 1965 den un di e hospitalnan na Aruba ta un mucha homber: Reginaldo Narciso Richardson, di tres jiu homber di senjora Diana Richardson na Santa Cruz No.2. E mucha homber a nace cu asistencia di dokter J.C.H. Janssen di Santa Cruz pa cuat'or di marduga dia prome di januari. Ta un baby di seis libber y tres ons. Mama y jiu tur dos ta bon. Dia dos di januari pa diezdos or di merdia ainda Lago Hospital no tabata tin ningun baby pa e anja 1965.

Bapor a pega

E bapor Ulandes Advent di 333 ton a pega den cercania di Cuxhaven den desembocadura di Elbe. Den oranan di atardi e remolcadornan Aleman a logra los e bapor, despues di cual el a drenta haf di Cuxhaven.

Segun un noticia di prensa Alemana "DPA".

BO A PIDI

GAS CABA?

1898 - 1198

BEST WISHES FOR THE

NEW YEAR

Another year has passed, bringing another welcome opportunity to tell you we are grateful for your patronage and wish you the very best of luck, happiness and prosperity in the year ahead.

JOYERIA KAN
ODUBER & KAN

Curacao - 33 Breedestr. P.
Colon Winkelcentrum

Aruba - Nassaustr. 47.

A FALLECE DON RAMON GARCIA DE PAREDES

Consul general di Panama na Aruba desde 1961

ORANJESTAD, 4 jan. - Diasabra merdia ultimo a fallece na e edad di sesenta y seis aña den San Pedro Hospital na Oranjestad, don Ramon Garcia de Paredes Arosemena, kende durante cuatro aña a desempeña aki e cargo di consul general di Panama y kende durante e temporada ey a bira un berdadero amigo di Aruba y e pueblo Arubano te cu su ultimo deseo a bira pa su restonan keda sosega den suelo Arubano. Un gran cantidad di amigonan a companja señor Garcia de Paredes riba su ultimo biaha ariba e mundo aki, demostrando asina e gran aprecio cu nan tabatin pe. E restonan mortal a worde escolta pa tur e miembronan di cuerpo consular, di cual e tabata presidente te algun tempo pasa, sigui pa su yui, e dentista dr. Alfonso Garcia de Paredes, deputadonan I.S. de Cuba y A. Falconi, majoor di mariniers na Aruba A. Graaf y commissario di polis sr. J. Schouwe.

Señor Ramon Garcia de Paredes ta un persona cu tabatin un carrera significativa den su bida na bienestar di su patria. Panama. El a studia derecho na universidad del Rosarion Bogota, pero e desarollonan en conexion cu e independencia di Panama a obligo regresa su patria na aña 1903, caminda el a inicia su vida politico como edecan di su welo, don Pablo Arosemena, presidente di Panama, cual pais e tempo ey y por a worde considera como un republica caba.

Entre e varios puestonan cu el a ocupa despues ta entre otro secretario di e consulado general di Panama na New York na aña 1912, cual puesto a nifica a la vez e cuminsamento di su carrera consular. Poco tempo despues el a worde distingui door di republica di Honduras, cu a ofrece di consul general. Durante e añanan di 1924 te cu 1927 e tabata alcalde di e ciudad Colon na Panama. Aki el a lanza un campanja fuerte contra di e bandidez y gagsterismo cual tabata reina den e puerto internacional di Colon. Di anja 1928 te cu 1930 e tabata

hefe di adouana na Panama, ocupando na e mes un tempo e puesto di deputado den e asamblea nacional representando e provincia di Colon. Su actividadnan den e parlamento Pamamenjo a worde corona, ora cu el a bira president di e asamblea nacional di Panama, den cual puesto el a hanja fama pa motibo di e manera cu cual e tabata defende e leyman na beneficio di e moral y seguridad publico.

Un aña despues el a yega Barcelona na Spanja como consul general di su pais. Aya el a pasa e dianan di e dominacion comunista durante e guerra civil. El a converti su consulado den un cas di refugio pa esnan cu tabata worde persigui door di e comunistanan y den un conven-



Ramon Garcia de Paredes (Q.E.P.D.)

to pa seis sacerdote y diestres soeur. Den e dianan aki su yui muher kende awor ta soeur na Trinidad a ricibi promer santa comunion for di man di dr. Ramon Quintana, kende awendia ta obispo di Tarragona. Ora cu e guerra civil tabata pa termina na Spanja, el a wordetranslada pa Francia y ey el a worde destaca door di su gobierno pa prepara e reconocimiento di e estado nobo Spanjo di general Francisco Franco na nomber di Panama.

Despues cu el a bolbe ocupa su puesto anterior na Barcelona, el a worde nombra como inspector di e consuladonan Panamenjo na Europa y Noord Africa te cu na aña 1944 ora cu el a worde designa secretario di e embajada di Panama na Venezuela. Mas despues el a bira encargado di negocios y consehero di e mes embajada te na aña 1959 ora el a dicidi di retira for di e carrera diplomatico y el a bai Trinidad, caminda su jiu muher Marta Esther a drenta convento.

Sin embargo na aña 1961 el a worde yama pa ocupa e cargo di consul general na Aruba. Na nos isla parse cu señor Garcia de Paredes a encontra un sitio cual a worde gusta asina tanto pe cu el a yame "e sala promer di paradis". Durante su ultimo añanan aki na Aruba señor Garcia de Paredes tabata un di e colaboradornan activo di Arubaanse Courant. Semper el a muestra un interes grandi pa e publicacionan y nunca el a laga di duna su comentario y ideanan pa esaki. Ariba tereno social na Aruba, e ta un di e personanan cu a trata di haci loke e por. Aña pasa por ehemplo e tabata un di e tres reynan kende a sorprende e hobenitud di school na Paradera cu cos dushi y regalitonan. Promer cu el a fallece el a recomenda su señora y su yui homber pa conserva e amor, cu semper e tabatin pa e isla di Aruba y su deseo tabata pa su restonan sosega den suela Arubano.

Durante su bida don Ramon Garcia de Paredes pa motibo di su labor y meritonan a ricibi un gran cantidad di condecoracionan y distincionan di Spanja, Francia, Cuba, Ecuador, Estados Unidos, Venezuela y varios lugar mas.

Promer dos dia dia di anja tin 15 mil florin na danjo

ORANJESTAD, 4 jan. - Durante e promer dos dianan di aña polis di trafico na Aruba ya por a nota un total di danjo material di 15 mil florin, cual a worde causa door di accidentenan di trafico. Aña nobo mainta, esta dia promer un choke cadenal fuerte dilanti dokter H. Dennert su cas na Savaneta tabata entre e autonan A-7004 maneha pa R.E.S. A- 4455 maneha pa I.T.L. y A.-3602 maneha pa A.G. Ph. e autonan A-7004 y A-4455 a keda completamente destrui.

E danjo total na e autonan tabata ocho mil cinco cien florin. Un persona esta, R.T. kende a worde benta for di auto A-7004 a worde herida y mester a bai hospital.

Resto di promer dia di aña a bai basta tranqui, siguiente dia sin embargo a tuma lugar dos choke basta fuerte. E promer tabata banda di un cuarto pa ocho na e cruzada di van Leeuwen-

hoekstraat y Dominicanestraat. Aki e autonan A-1013 maneha pa E.S. y A-2448 maneha pa R.R. a dal ariba otro como cu un di e autonan no a duna preferencia. E chauffeur R. kende a worde herida levemente ariba su wowo, por a

HOMBER MALTRATA CU HACHA

PICARON, 4 jan. - Na Picaron aña 1965 a worde cuminsa cu bashamento di sanger. Aya e caballero N.J.W. di treinta y ocho aña a dal un otro cu un hacha, E victima a worde transporta pa Lago Hospital caminda inmediatamente el a hanja tratamiento medico. E caballero W. kende despues di a dal e otro cu hacha a hui, mas atardi a worde gara y carcela. Aki tambe alcohol tabatin un parti den e brin-gamento.

bai cas despues di tratamiento den hospital. E danjo material akinan tabata dos mil cien y sesenta y cinco florin. Un cuarto pasa di diezun e mes un anochi ey dos auto a bolbe dal ariba otro pa motibo cu uno no a duna preferencia. Aki tabata na Savaneta entre e autonan A-1932 maneha pa E.R.K. y e taxi Tx-18 maneha pa T.K. No tabatin herida pero un danjo material di tres mil florin. Di tal manera e danjo material total ariba camindanan di Aruba den e promer dos dia di 1965 ta no menos cu 15 mil florin.

DAMASCUS, 4 jan. - Siria a nacionalisa 107 compania y empresanan, entre cual empresanan di textiel y sucu, petroleo y rubber y fabricanan di material di construccion. Padecreto a worde stipula, cu esun cu resisti contra e proceso lo por haya castigu perpetua of hasta pena di morto.



AFWAS-BORSTEL GRATIS

bij elke grote fles



CUMINZA AÑA NOBO BON

Inscribi riba un di e siguiente cursonan, cualnan lo cuminza na Januari na Cursus Succes.

- Type.
- Stenog hulandes, ingles y spanjo. (4jan). Boekhouden (4 Jan)
- Aspirant Agent van politie (5 jan).
- Engels (6 jan)
- Spaans (5 jan)
- Algemene Ontwikkeling (9 jan).

E candidatanan cu no a worde aproba pa Type ta sigui haya les gratis te ora nan slaag. Pa type por inscribi diarlamete. Cursus Succes: Oranjestad, Nieuwstraat 6, Tel. 1534. Santa Cruz-Papillon 54, San Nicolaas-Bernhardstraat 110, tel. 5791.

Haf di Londres

LONDRES, 4 jan. - Un dje bondnan dje obreronan di haf di Londres caminda 6.000 dje 15.000 obreronan ta asocia, a dicidi pa no traha durante e finnan di siman y traha overtime por lo menos dos ora pa dia. E contratistanan via un carga den nan envelop di sueldo a pidi e obreronan pa duna nan mes op pe trabow riba diasabra o diadomingo,

pa asina caba cu e retraza di trabow den haf. Foi juli di anja pasa nan tin un siman di 40 ora di trabow. Na Liverpool 8.500 obreronan di haf a tuma liber dia di anja nobo sin permit dje contratistanan. Den algun fabrica Britanico di auto, tambe hopi no a bai traha. Na un fabrica di Morris un tercera parti dje personal no a bai traha pa celebra anja nobo.

SRA. VDA. MARIA YRAUSQUIN 35 ANJA NA ARUBA

ORANJESTAD, 4 jan. - Dia promer di Januari ultimo tabata exactamente trinta y cinco anja pasa cu senjora viuda Maria Yrausquin pa di promer biaha a pone pia ariba suela di Aruba. Senjora Yrausquin un nativo di Polonia durante e anja cu a sigui el a biba na Aruba a bira conoci na promer lugar den bida comercial di Aruba y despues como esposa di e gran politico Arubano, defunto Juancho Yrausquin.

Durante e trinta y cinco anjan cu a pasa senjora Yrausquin a mira Aruba crece for di "nada" pa loke e ta awor.

Na ocasion di e trinta y cinco anja cu senjora viuda Yrausquin ta na Aruba, nos a tuma oportunidad di tene un entrevista chikito cu ne. Den esaki el a expresa su gratitud di por ta un habitante bao di bandera rood wit blauw, e bandera bao di cual semper el a biba den libertad.

Tsjoe En Lai re-eligi

PEKING, 4 jan. - Segun e agencia di prensa, "Nueva China" ta anuncia, parlamento Chines a reeligir Tsjoe En Lai como minister president. E otro lidernan supremo di China, entre cual Lioe Sjao Sji, tambe a worde reeligir. Pansjen Lama no a worde reeligir como vice president di e oficina permanente di e parlamento.

Ehercicionan na Alemania Occidental

Bow dje number di codo "solamente hecho" nan lo tene for di awe te cu 11 di Januari awor den sur di republica federal di Alemania occidental manobranan grandi, na cual 7500 cohete (autonan blindado, canjonnan mobil etc) lo participa, segun e cuartel general pa e di 4 division Mericano di pantser a participa na Goeppingen.

Awe henter dia, lo tin transportenan riba e pistanan di auto entre Schwabach y Nuereberg, Augsburg y Muenchen y Muenchen Bayreuth y otro a camindanan den cercania.

Senjora Yrausquin kende a yega Aruba dia promer di Januari 1930 segun su comentario "e tempo ey Aruba tabata scur". En otro palabra e tempo ey Aruba no tabatin un bida floreciente ainda, y aavez Aruba no tabatin luz tur caminda manera cu e tin awor. Despues di tabata casa anteriormente y a divorcia el a casa cu defunto Juan Yrausquin casa cu defunto Juan Enrique Yrausquin na anja 1943, kende e tempo ey tabata director di Aruba Bank.

Cuatro anja despues den senjora Yrausquin, kende desde su yegada na Aruba tabata den comercio na San Nicolas, a sali for di negoshi y a laga esakinan pa su yunan, kendenan ta di su promer esposo. Na 1951 esakinan a kima. Contestando nos pregunta senjora Yrausquin a bisa cu e recuerdonan di mas grandi cu e tin di Aruba ta e echo di e dianan cu pa di promer biaha un parti di Aruba a hanja luz y awa. Y e otro impresion grandi ta segun el a bisa e desaroy y crecimiento enorme di Aruba den e ultimo diez anjan. Algo poco tristo el a hanja cu na ocasion di e conmemoracion di e decimo aniversario di e statuto, defunto Juancho Yrausquin, e persona kende e ta considera como esun cu a hiba e batalla pa e autonomia desde e principio casi no a worde conmemora den e caso aki. Sinenbargo e ta spera cu na un otro ocasion di celebracion di e autonomia esaki lo worde haci.

El a laga sabi cu su deseo ta cu pueblo di Aruba lo tene bon na cuenta locual nan tin na e momento y no perde bista ariba loke nan por bal tin. E ta orgulloso di por biba ariba un isla sin discriminacion y ta spera di por keda biba akinan como Arubiano y sirbi Aruba te caminda e por, segun e idealnan di e defunto Juancho Yrausquin. Pa medio di e columnonan aki tambe senjora Yrausquin kier a desea pueblo di Aruba engeneral un prospero anja 1965.



Dia promer di Januari ultimo senjora viuda Maria Yrausquin a recorda e echo cu trinta y cinco anja pasa cu el a jega Aruba, camina el a establece su mes y ta biba te e dia di awe. Den un articulo di e edicion aki nos ta publica un entrevista chikito cu nos tabatin na e ocasion aki cu senjora Yrausquin. Un dia cu casi ningun hende a recorda. E foto aki riba ta muestra nos senjora Yrausquin na drechi hunto cu su esposo defunto Juancho Yrausquin, cu kende senjora Yrausquin a casa na anja 1943.

Dia 29 di december ultimo a drenta haaf di Aruba e bapor di turista "Viking Princess" di Flagship Lines. Abordo e bapor tabata tin mas o menos un cu otro cien y cincuenta pasahero kendenan ta haciendo un biaha door di Caribe. Como cu e bapor aki pa di promer biaha a bishita Aruba el a hanja un plaquette

di recuerdo for di Jaycees. E foto aki riba ta muestra nos "Viking Princess" den haaf di Oranjestad, diahuebs anochi. Diabierna e siguiente dia e bapor a bolbe sali for di Aruba pa sigui su biaha door di e bunita territorio di Caribe.

Frerenan Antoon y Theodor us awe 25 anja na Aruba

ORANJESTAD, 4 jan. - E frerenan Antoon y Theodorus di Huijze de la Salle awe ta recorda e echo cu ta binticinco aña pasa cu pa promer biaha nan a pone pia ariba suela di Aruba. Frere Antoon, esun di mas bieuw di e dos entretanto ta cu pensioen. Anteriormente tabata maestro di wiskunde na e schoolnan di MULO. Hopi añan largo e tabata esun encarga tambe cu e asuntonan di construcion di iglesia nan na Aruba, manera iglesia Fatima na Dakota y e iglesia nobo na Savaneta. Frere Theodorus kende ta duna les ainda na St. Dominicus College ta un persona kende a traha hopi atiba tereno di deporte na Aruba. Hopi aña e tabata un miembro activo di Aruba Sport Unie. Entre otro e tabata miembro di e comision di "reconsiliacion". Tambe e tabata un di e personanan principal den e deporte di basketball na Aruba. Alavez e frere aki ta masha conoci pa su curso di type cual anjanan largo caba e ta duna.

Hospitalnan na Cuba

HAVANA, 4 jan. - Segun datonan estadistico publica e cantidad di hospitalnan na Cuba, a bira dobel den e prome cinco anyan di e gobierno di Fidel Castro. Na fin di anyo 1964 tabatin 156, compara cu 87 na anyo 1958. E aumento importante ta e consecuencia di establecimiento di hospitalnan den campo. Asina e ministerio Cubano di salubridad ta anuncia.

E cantidad di camanan di hospital a aumenta di 21.700 pa 41.005 y e cantidad di dokter y enfermeronan a subi di casi tres mil te casi 11.000



CUATRO BOND TA PIDI REUNION GENERAL DI A.S.U.

(Di nos redactor deportivo)

Directivanan di Amateur Baseball Bond Aruba, Aruba Lawn Tennis Bond, Aruba Basketball Bond y Aruba Volleyball Association a dirigi dia 28 di december un carta na directiva di Aruba Sport Unie, den cual nan ta haci uso di nan derecho stipula den statuten di A.S.U. pa pidi un reunion general extraordinario. Obheto di e reunion ta Anulacion di e Resolucion di A.S.U. Directiva di A.S.U. a pone como fecha pa e reunion aki, dia 15 di januari 1965.

Manera ta conoci door di mr. Van Ulsen a worde teni varios conferencia cu dirigentenan di e diferehte bondnan di Aruba. Durante e ultimo -- conferencianan, Mr. van Ulsen a haci e peticion pa e bondnan, cualnan di nan propio voluntad a trece e Resolucion di A.S.U. na vigor atrobe, pa bolbe anula e resolucion tan discutit. E bondnan Arubano un biaha mas ta mustra nan buena voluntad pa

mira e conflicto deportivo desaparece y apenas algun dia despues di e proposicion di Mr. van Ulsen a dirigi un carta na directiva di A.S.U. pidiendo un reunion general.

Di parti di directiva di Aruba Sport Unie, nos a worde informa ademas cu nan no a ricibi carta di Bestuurscollege, den cual esaki ta pidi anulacion di e Resolucion di A.S.U.

E diario Amigoe di Corsow a publica algun dia pasa e noticia aki, cual a worde califica di ta un gran fantasia atrobe. Cu enfasis directiva di A.S.U. ta desmenti e noticia. Despues di e proposicion di Mr. van Ulsen, e unico peticion cu a yega den poder di directiva di A.S.U. en re-



Diasabra anochi a tuma lugar apertura di e promer exhibicion di anja 1965 den Centro Cultural na Oranjestad. E apertura cual a worde efectua door di senyor Jan Beaujon presidente di C.C.A. tabata e apertura di e exhibicion di e pintor D. Stolwijk biba na Corsow. E exhibicion tabata consisti di aquarellnan. Ariba e foto nos ta mira di dos di robez senyor Stolwijk, completamente na drechi senyor Beaujon, E otro presentenan ta completamente na robez dr. J. Hartog, di tres di robez senyor C. de Mildt, director di Aruba Boekhandel na lugar di senyor J. de Wit, kende a bai biba na Hulanda y na su man robez senyor A. Spit, presidente di comision di exhibicion.

lacion cu e Resolucion di A.S.U. ta esun forma door di cuatro bond afiliada na A.S.U.

Bom a explota na Buenos Aires

BUENOS AIRES, 4 jan. - Na entrada principal dje corant independiente La Nacion na Buenos Aires un bom a explota. Nan no a duna mas informacion acerca dje explosion, segun anuncia.

Campeonato mundial di baseball na Colombia confirma

(Di nos redactor deportivo) Directiva di A.B.B.A. a ricibi confirmacion for di F.I.B.B.A. y for di e Federacion Colombiano di Baseball Amateur cu e campeonato mundial definitivamente lo cuminsa na Colombia

dia 12 di februari 1965. Ta casi sigur awor cu e seleccion Arubano cu lo representa Antillas Hulandes lo sali for di Aruba ariba diadomingo dia 7 di februari. Ariba dia 5 di januari, esta manjan, e trainingnan bao direccion di e entrenador Venezolano Alejandro Hernandez lo worde reanuda cu cooperacion tambe di Ramon Hodge, Buchi Rasmijn y James Gibbs.

E hungadornan invita pa tuma parti na e practicanan ta: Pitchernan Sam Jacobs, Rufus Arrindell, Veronico Alberts, Emiliano Jansen, Nicolas Carolina, Jules Richinsin, Leandro Briezen, Raymundo Rasmijn y Ferdinand James. Catchernan ta: John Lindsey, Cecil Haynes, Raul Werleman y Luis Jacobs. Infieldernan: Ramon Buckley, Joy Lioe A Tjam, Gabby Illidge, Jose Robles, Jossyto Muyale, Raymond Violenus, Louis Saloman Max Gumbs, y Hubert Maxwell. Outfieldernan Enrique Vorst, Julio Hazel, Pedro Dirksz, Simeo Bryan, Antonio Tross, Tenchi Hofstijzer, Yeyo Buckley y A. Chippi Richardson. Un total pues di 30 hungador. Lo tin practica ariba diamars, diahuebes, diasabra y diadomingo.

Avion Mericano intercepta

Forza Area Chines a basha riba sur China un avion militar di reconocimentu di imperalismo cu ta bula sin piloto abow, segun anuncia pe agencia di prensa no a duna particularidadnan, segun Reuter.

Iniciativo pa federacion Antillano di Baseball

(Di nos redactor deportivo)

Ariba iniciativa di Amateur Baseball Bond Aruba, a worde teni na Corsow dia 30 di december u.p. un conferencia entre dirigentenan di baseball di Aruba y di Corsow. Di Aruba a viaha un comision forma door di e consehero y ex-president di A.B.B.A. Tico Kuiperi, Johnny Oduber y Alex Mansur, kendenan ta respectivamente secretario y tesorero di A.B.B.A.

E conferencia ta en relacion cu e esfuerzonan pa forma un verdadero federacion antillano di baseball.

Den un bon esfera deportivo e conferencia a transcurre y den e segundo siman di e luna ki lo worde teni otro conferencia, e biaha aki na Aruba.

Nos ta mira anota com di parti di Aruba, a worde tuma iniciativa pa cuminsa cu e tan necesario reorganizacion den deporte di Antillas Hulandes. E unico bond di Aruba, esta A.B.B.A. cu tin un afiliacion internacional pa Antillas, a duna e ehempel. Nos ta spera cu awor tur e otro bondnan di Corsow lo sigui e ehempel pa e palabranan expresa door di Mr. W. van Ulsen bira realidad.

Nos ta recorda com den un conferencia di prensa teni na Corsow, e consehero aki treci for di Hulanda door di Gobierno Central, a expresa cu e tin confianza den un pronto solucion di e existente conflicto deportivo entre Aruba y Corsow.

L.O.I. - onderwijs is GOED onderwijs

Ga studeren bij de L.O.I. want met vak-kennis, met een diploma en met een betere ontwikkeling kunt u meer bereiken. Moderne lessen en bevoegde leraren zijn een waarborg voor goede resultaten. Vraag vandaag nog een gratis prospectus van de cursus waarvoor u belangstelling hebt. Vul onderstaande bon in.

Administratie
 Praktijkdipl. Boekhouden
 Med. Bedrijfsadministr.
 Stenopraktijkdiploma
 Handelskennis L.O.
 Secretaress
 Stenografie Nederlands, Frans, Duits, Engels
 Kantoor-assistent(e)
 Magazijnmeester
 Leerdienstmeester
 Economie, Bedrijfsorg.
 Verkoopkunde, Statistiek.

Talen
 Nederlands, Spaans, Engels, Duits, Frans, Portugees, Italiaans, Zweeds, Russisch, Latijn, Esperanto

Handelscorrespond.
 Nederlands, Spaans, Engels, Frans, Duits

Alg. ontwikkeling
 cursussen na L.O. en voortgezet onderwijs
 Alg. ontwikkeling voor de politie

Algemene vorming
 Kunst, Muziekgeschied. Muziekles, Zangtheorie, Wapengeerte, Psychol.

Mulo A en Mulo B
 HBS A/B, Gymn. A/B

Technische opleiding
 Scheepswerktuig VD
 Scheepsbouwmeester
 Autotechniek
 Radio-, Elektrotechniek
 Bouw-, Waterbouwkunde
 Topografisch tekenaar
 Landmetkunde
 Wetkunde Mulo B/HBS B
 Wetkunde akte LO-MO
 Alg. ontw. voor analitie
 Chem. bedrijfschemie
 Technisch tekenaar

Kindervoorzorging
 Dokters-, Tandartsass.
 E.H.B.O. en Hygiene

Landbouw
 Alg. Inbouwcursus
 Landbouwkundigen
 Veearts, Veevoeding
 Veeverloskunde
 Pluimveearts, Selecteur
 Motor- en Trekkerkennis

Tekenen-Schilderen
 Vijf tekenen en schild.
 Landschapstck en schild.
 Motief-, Reclametekenen
 Tekenen L.O. Etalage

Van de cursus met een bon kunt u op de Antillen officieel examen afleggen

LEIDSCHER ONDERWIJS INSTELLINGEN

INSTELLINGEN ZONDER WINSTDOEL

CURACAO: Wilhelminaplein 13 ARUBA: Wilhelminastr. 1

Gaarne ontvang ik, zonder de geringste verplichting, een prospectus van de cursus:

Naam: _____

Straat: _____

Woonplaats: _____

Uitknippen en in gesloten enveloppe met postzegel van 6 ct. of open enveloppe met zegel van 3 ct. verzenden naar het kantoor op Curacao of Aruba.

Alumnonan y ex-alumnonan ta celebra jubileo di nan school

ORANJESTAD, 4 jan. - E jubileo di oro di St. Dominicus College lo worde celebra dia siete y ocho di e luna aki door di e alumnonan y ex-alumnonan di e school. Dia siete e alumnonan lo ta na turno, mientras cu dia ocho e ex-alumnonan lo recorda e jubileo cu un fiesta den Palm Beach Club.

E fiesta di alumnonan lo worde teni diahuebes anochi venidero ariba patio di hunga di e school, caminda un programa lo worde presenta cual ta yen di variacion y humor. Aki tur e klasnan, incluso e

klasnan major lo tin un parti den e programa yen di canto, musica, balle y comedia.

E promer klas lo bai canta, di dos lo presenta e comedia "botter in een tonnetje", di tres un pantomina y un balle di India, di cuatro "Hoe Jan Klaassen uit de gevangenis bleef", di cinco "Nanzi en de boef", di seis "Het paspoort" mientras cu e klasnan major lo yena e di dos parti di e programa cu "e compromiso", dilanti juez", "vision" di tres frater" y "echarade".

Alavez lo tin presentacionan musical di Trios Las Huastecas di Etty Toppenberg y e conjunto di alumnonan y ex-alumnonan "Los Llaneros". E fiesta di jubileo lo worde termina cu un misa solem diadomingo dia diez di januari pa ochor y mei den iglesia San Francisco na Oranjestad, sigui pa un recepcion den Huize de La Salle.

Na ocasion di e di cincuenta aniversario di St. Dominicus College na Oranjestad, e complex di schoolnan den Boerhaavestraat cualnan tabata forma St. Dominicus College ta worde dorna pa e celebracion cu lo cuminsa den un di e dianan aki. E jubileo

di oro di e schoolnan segun ta muestra lo worde celebra na un manera grandioso. Aki riba un foto di un parti di e school na bandera, un 5 y un O grandi ariba na e veranda di e school alavez pilarnan etc. cu ta completa e adorno.



Indonesia a sali for di NU

NEW YORK, 4 jan. - Oficialmente a keda anuncia na New York, cu Indonesia a sali for di Nacionnan Uni. Segun anuncia pe agencia Frances di prensa "AFP".

E bosero di e secretario general di Nacionnan Uni a declara cu e delegacion Indones a participa secretario general Oe Thant y president di asamblea general Alex Quaison Sackey, di kier bandona e organisacion internacional.

Inmediatamente despues cu el a wordu pone na altura di e decision Indones, secretario general Oe Thant, cu ta na Islan Virginas, a manda president Soekarno un mensahe den cua e ta pidi e hefe Indones di estado, pa renuncia inmediately.

E agencia Indones di prensa Antara a segura, cu president Soekarno a duna orden pa retira Indonesia for di Nacionnan Uni y cu nan a manda instruccionnan pa ehecuton di e orden aki pe mision permanente Indones cerca Nacionnan Uni.

Indonesia a tuma e decision aki, pasobra Malasia a wordu eligi como miembro di e consejo di seguridad.

E kesion Malasiano ta forma un prueba di e caracter reaccionario di Nacionnan Uni mes cu ta aumentando, segun un declaracion publica pa Antara. Den wowonan di un Indones e afiliacion di Malasia den consejo di seguridad ta un manifestacion extremo di e hecho, cu e organizacion mundial aki a baha bira solamente un obheto di potencionan colonialista, ne colonialista y imperialistanan, principalmente di Merca y Gran Britania. E actuacion di Indonesia ta un demorasion nobo di e falta di confianza den Nacionnan Uni como un organisacion destina pa sorru pa seguridad y bienestar di henter mundu. Na Indonesia tin actualmente un 90 expertonan pa ehecuton di poyectonan di desarollo di Nacionnan Uni.

E prome minister Britanico Harold Wilson, di regreso di vacationnan riba islanan Scilly pa Londen a laga sa cu e lo duna un declaracion tocante Malasia, y e decision menciona di Indonesia pa retira for di Nacionnan Uni.

Un bosero Malasiano di gobierno na Koeala Loempoer a bisa cu Indonesia tin un mal impresion di opinion mundial. President Soekarno y su partidarianan ta trata cada biaha di danza e organisacion mundial. Ta cla cu door di e afiliacion di e consejo di seguridad Malasia

ser reconose como estado libre y soberano. E decision pa sali di Nacionnan Uni, ta algo cu no ta preocupa e federacion malasiano, segun e bosero digobierno.

Tambe Merca a pidi Indonesia pa renuncia su decision. Un bosero Indones sinembargo a laga sa cu e retiro ya ta un hecho caba.

Gezaghebber Henriquez optimistico encuanto e desarollo na 1965

ORANJESTAD, 4 Jan. 1965.

"Bispo di anja nobo Gezaghebber O.S. Henriquez di Aruba a tene siguiente discurso:

Atrobe nos ta para cla pa drenta un aña nobo.

Si, manera ta costumber, nos waak back riba e aña cu ta cabando, anto nos conclusion inmediate ta cu 1964 tabata un aña dificil. E motibo principal di esaki ta e creciente desempleo riba nos isla.

En relacion cu esaki, e lay-off program di Lago ta causa nos comuniad cada vez mas preocupacion.

Di otro banda e preparacion di diferente proyecto a tuma mas tempu cu loke a wordu calcula anteriormente, di manera cu tate otro aña lo cuminsa ehecuta algun di nan.

En relacion cu e situacion aki Bestuurscollega a suplica industria petrolera pa considera e posibilidad di ehecuta e programa di lay-off den un forma mas moderada.

Ademas tur esfuerzo ta worde haci pa anticipa e realizacion di diferente proyecto.

Pero 1964 tabatin tambe su bandanan favorable. Mi ta pensa entre otro n'e acuerdo cu a worde

Soekarno su salu ta bon

DJAKARTA, 4 jan. - President Soekarno a declara ayera nochi cu e ta perfecto di salud y cu e ta sinti su mes mihor cu nunca.

E president di Indonesia a bisa asina, ora cu el a entrega e cinco dokternan Chines for di Peking cu a atende su niernan, un condecoracion.

President Soekarno a bolbe desmenti na e ocasion ey e rumornan imperialista y neo-colonialista segun cual e ta graveamente enfermo. Asina e agencia Indones di prensa "Antara" ta bisa.

logra cu gobierno hulandes tocante e ayuda financiero, cual acuerdo despues a ser aprobá, formalmente door de Parlamento Hulandes, asegurando asina e financiamiento di e prome Fase di Plan di Diez Aña.

Durante april di e aña aki a tuma lugá e inauguracion oficial di e pista nobo di Prinses Beatrix Vliegveid, door di cual Aruba a haci su entrada den era di jet, loke ta masha importante pa desarollo di nos turismo.

E total di pasahero, cu a drenta Prinses Beatrix Vliegveid na aña 1964, a aumenta cu 11 por ciento riba aña 1963.

Y dia prome di october di e aña aki e asociacion di Antillas cu Mercado Comun Europeo a bira un heho, habriendo asina posibilidadnan nobo y importante tanto riba tereno social como economico.

Ta ser spera cu durante aña cu ta bini lo cuminsa cu ehecutacion di varios proyecto financia cu fondo di Mercado Comun Europeo, e.o. construccion di 12 school, trahamento di caminda i construccion di un edificio nobo pa vliegveid.

E extension di Fabrica di Awa na Balashi lo cuminsa otro luna caba. Pronto lo cuminsa tambe cu extension di 80 kamber pa Aruba Caribbean Hotel, mientras cu otro aña aanbesteding lo ser teni pa Aruba Sheraton Hotel i pa Hospital Central Nobo.

Den sector industrial tin dos proyecto cu ta ser elabora actualmente, planificacion di cual nos ta spera lo ser termina e aña venidero.

Tambe relacionnan cu Hulanda a worde estrecha durante 1964. Diferente funcionario halto di gobierno hulandes, como tambe un delegacion di Parlamento di Hulanda, door di un bishita na nos isla, a oriente nan mes personalmente riba nos desarollo y nos necesidadnan. Dignamente Aruba a conmemora e segundo lustro di Statuut y nos por a con-

stata cu satisfacion cu e stipulacionnan di e documento di Estado aki, a desarollo durante ultimo decenio den loque S.M. ia Reina Juliana a jega di jama: un realidad viviente.

No obstante e bandanan desfavorable cu e situacion general ta muestra, no tin motibo pa pesimismo pa nos comunidad arubano. Tin varios proyecto sano n'e momento aki y nos por confia riba yudanza concreto for di mas di un banda pa ehecuta NAN. Especialmente turismo y industria quimica a resulta di ta fuentes di progreso masha realis-

tico cu un base solido pa continuo dearollo.

Ta un satisfaccion cu poblacion di Aruba semper asina sincera y intensamente a participa y coopera den un espiritu positivo cu e desarollo social y economico di nos isla.

Cu e speranza cu e cooperacion y e actitud positivo aki lo continua durante aña venidero - tambe y cu e absoluto confianza cu progreso di nos comunidad lo sigi desarolla su mes den un forma favorable, mi ta desea un y tur habitante di Aruba un feliz y prospero 1965".

Chauffeur di taxi ta entrega su atakante na warda di polis

ORANJESTAD, 4 jan. - Ariba e anochi di diasabra pa diadomingo e chauffeur di taxi di cincuenta y nueve aña, señor Jackson a muestra cu su edad no ta strobe di defende su mes. Mientras cu ariba caminda el a worde ataca den e taxi pa cuatro marinero, e no a kita su pia for di pedal pero a dirigi e auto directamente pa warda di polis di trafico na Balashi, caminda el a entrega su atakante.

Tres marinero Sueco y un Aleman, tripulantenan di un tanker cual tabata mara den haaf di San Nicolaas, diasabra anochi a tuma nan tragito den Trocadero na Oranjestad. Mas laat den anochi nan a yama un taxi pa hiba nan San Nicolaas. Pero

ariba caminda pa San Nicolaas nan a ataca e chauffeur Jackson inesperadamente. Naturalmente nan a cause algun momento di susto, pero e no a perde cabez. Apesar di su edad ya avanza e tabata sabi di traha su plan di campanja cu cual el a sorprende su atakantenan. El a keda corre su auto te ora cu el a yega na Balashi caminda tabatin luz ainda na e warda di polis di trafico. Rapidamente el a subi tereno di warda. E caballeronan cu a worde sorprendi di e manobra aki a worde carcela bao di protesta fuerte. E caballeronan aki por laga Aruba atrobe cu nan bapor, pero te despues di a depone un suma di transaccion basta grandi cerca officier di husticia.

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di FRIESCHE VLAG lechi evaporado y lechi en polvo MAXWELL HOUSE KOFFIE.



HOROSCOPO PERSONAL

ARIES-21 de marzo- 20 de abril Tal vez le hagan algunas invitaciones, pero tenga cuidado al aceptar una de ellas.

TAURO-21 de abril-21 de mayo Demasiado hoy podría causar demasiado poco mañana. La diversión y el exceso no necesariamente tienen que ir juntas.

GEMINIS-22 de mayo-21 de junio Mantenga su espíritu bien alto pero no sea exagerado en su comida y bebida. Este no es un día para viajar.

CANCER-22 de junio-23 de julio-Aunque tiene la capacidad de seguir hacia adelante, este no es el mejor día para tratar de hacerlo.

LEO-24 de julio-23 de agosto Maténgase alerta por cualquier lío que pudiera surgir. El Leo que está advertido, no perderá. VIRGO-24 de agosto-23 de septiembre-Piénselo dos veces antes de aceptar una invitación esta noche. Tal vez le convenga mas quedarse en la casa.

LIBRA-24 de septiembre-23 de octubre- No dependa de otras personas si usted mismo puede hacer las cosas. Asuma sus propias responsabilidades.

ESCORPION-24 de octubre-22 de noviembre-Trate de no entrar en discusiones con otra persona hoy. Esta en una época para hacer un inventario de sí mismo.

SAGITARIO-23 de noviembre-22 de diciembre- El imaginarse grandeza y el obtenerla son dos cosas diferentes.

CAPRICORNIO- 23 de diciembre 20 de enero-Aproveche el último día del año para poner las cosas en orden y prepararse para celebrar el comienzo del nuevo año.

ACUARIO-21 de enero-19 de febrero-La tentación de comer y beber hoy va a ser muy grande Haga las cosas con moderación.

PISCIS -20 de febrero -20 de marzo- Este es un día para divertirse pero también trata de hacer un inventario de sí mismo. Haga promesas que sabe que podrá cumplir.

Congreso

Mahometano

MOGADISIO, 4 Jan. - Na Mogadiscio, Somaliland, a finalisa un congreso Mahometano mundial. Nan a acepta un resolucio, den cual nan ta pidi paisnan A-rabe pa renoba nan actitud en frente di paisnan Africano, cu ta mantene relacionnan cu Israel. Tambe nan a propone pa un comision bow di direccio di Oe Thant cu representantenan fo-paisnan Mahometano, Vaticano y iglesia Orthodox instala un investigacion pe limitacion insinua di libertadnan pe Mahometanonan na Ethiopia.

HUELGA DEN

HAAF DI ANTWERPEN

ANTWERPEN, 4 jan. - Entre e personal di servicio di haf di Antwerpen tabatin un huelga. Riba muellennan tabatin presente solamente puesto dje huelgistanan y specialistanan dje servicio di mantencion y di seguridad. Barrios baporo sperando decision a ancia na Vlissingen. E direccio di haf inmediatamente a habri deliberacionnan cu e personal, cu ta exigi mas sueldo.

CISCO KID

pa cortesia di:

ARUBA BOTTLING COMPANY

NESBITTS den varios sabor, e refrescan mas pidi y mas gusta na Aruba.



BUCHI ROBEZ



PEPITA

with compliments of

OFICINA MARITIMA DE ARUBA

DOCUMENTATION & TRANSPORTATION FOR INCOMING, LOCAL & OUTGOING CARGOES BY AIR, SEA AND LAND



DICK TRACY

presenta pa cortesia di:

VICTORIA BOTTLING COMPANY

PEPSI-COLA---SEVEN UP---GRAPETTE-KIST--VICTORIA SODA WATER--- BUFFALO ROCK--GINGER ALE---

